



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Health

Broj: 10-04-328-18-55/24  
Sarajevo, 06.01.2025. godine

**SKUPŠTINA KANTONA SARAJEVO-**  
**n/r Služba za skupštinske poslove**

**PREDMET: *Odgovor na zastupničku inicijativu, dostavlja se***

Zastupnik Aljoša Čampara u skladu sa članom 106. Poslovnika Skupštine Kantona Sarajevo („Službene novine Kantona Sarajevo“, broj 41/12- Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22- ispravka), dana 04.12.2024. godine **uputio je zastupničku inicijativu:**

“Da se raspiše javni poziv za pružanje usluga, kako bi se sve zainteresirane laboratorije koje su certificirane i registrovane u BiH, a posjeduju opremu i znanje za izvođenje neinvazivnog prenatalnog testa (NIPT) mogle prijaviti.“

U vezi sa postavljenom zastupničkom inicijativom dostavljamo sljedeći:

## **ODGOVOR**

Ministarstvo zdravstva Kantona Sarajevo je na osnovu Vaše zaprimljene zastupničke inicijative prosljedilo istu, prema JU Zavodu zdravstvenog osiguranja Kantona Sarajevo.

S tim u vezi ovim putem Vam dostavljamo u cijelosti odgovor na Vašu zastupničku inicijativu akt JU Zavoda zdravstvenog osiguranja Kantona Sarajevo broj: 01-33-5-40444-4/24 od 27.12.2024. godine, te za sve dalje informacije stojimo Vam na raspolaganju.

Kopija akta u prilog akta.

S poštovanjem,



**MINISTAR**  
**Prim. Mr. sci.**

nović

DOSTAVLJENO:

1. Naslovu
2. a/a



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-104, Fax: + 387 (0) 33 562-243  
Web: <http://mz.ks.gov.ba>, E-mail: [mz@mz.ks.gov.ba](mailto:mz@mz.ks.gov.ba)



Broj: 01-33-5-40444-4/24

Sarajevo, 27-12-2024


KANTON SARAJEVO

Ministrstvo zdravstva

n/r Prim. mr. sci. dr med. Enis Hasanović, Ministar

SKUPŠTINA KANTONA SARAJEVO

n/p Zastupnik Aljoša Čampara



**Predmet:** Odgovor na zastupničku inicijativu, dostavlja se

Veza: Dopis br. 01-04-328-18/24 zaprimljen 05.12.2024. godine

Amir  
31.12.24

Poštovani,

Vezano za dopis, broj kao u vezi, a kojim ste ovom Zavodu prosljedili zastupničku inicijativu zastupnika Aljoše Čampara, u nastavku Vas informišemo kako slijedi.

Testiranja poput NIPT testa nije predviđeno Odlukom o utvrđivanju osnovnog paketa zdravstvenih prava ("Službene novine F BiH", broj 21/09) kao ni Nomenklatura usluga u smislu Naredbe o standardima i normativima zdravstvene zaštite iz obaveznog zdravstveno osiguranja u F BiH ("Službene novine F BiH", br. 82/14, 107/14 i 58/18), a koje se pružaju u zdravstvenim ustanovama koje obavljaju zdravstvenu djelatnost na primarnom, sekundarnom i tercijarnom nivou zdravstvene zaštite. Pored navedenog Vlada Kantona Sarajevo je zaključkom broj 02-04-39464-18/23 od 07.09.2023. godine, naložila ovom Zavodu da prilikom izrade Finansijskog plana za 2024. godinu planira doboljno sredstrava kojim bi se omogućilo da trudnice u Kantonu Sarajevo mogu besplatno izvršiti NIFTY testiranja. Imajući u vidu sve prednje navedene razloge, kao i nalog Vlade Kantona Sarajevo, Zavod, u odsustvu pravne regulative kojom se uređuje predmetna materija, nije u mogućnosti raspisati javni poziv, ali ostvarivanje navedenog prava može omogućiti isključivo u skladu sa članom 38a. Pravilnika o načinu ostvarivanja prava iz obaveznog zdravstvenog osiguranja ("Službene novine F BiH", br. 31/02 i 20/19) koji je propisano da osigurana osoba može ostvariti pravo na sufinansiranje troškova pruženih zdravstvenih usluga, nabavke lijekova i medicinskih sredstava tokom kalendarske godine, a koje se ne finansira sredstvima zavoda zdravstvenog osiguranja, pod uvjetom da je osigurana osoba teško bolesna i ima potrebu za dodatnim zdravstvenim uslugama, za nabavku lijekova i medicinskih sredstva, koje ne može ostvariti u ugovornim zdravstvenim ustanovama, odnosno koji se ne propisuju i ne izdaju na teret zavoda zdravstvenog osiguranja, a što se dokazuje medicinskom dokumentacijom, dok je stavom 2. istog člana propisano da pravo na sufinansiranje prava iz stava (1) ovog člana, osigurana osoba može ostvariti samo, ukoliko su u okviru sredstava obaveznog zdravstvenog osiguranja, utvrđenim finansijskim planom zavoda zdravstvenog osiguranja u fiskalnoj godini, osigurana sredstva za ove namjene, u procijenjenom procentualnom iznosu koji ne smije ugroziti obavljanje finansiranja redovnog poslovanja zavoda zdravstvenog osiguranja, a stavom 3 propisano je da se općim aktima zavoda zdravstvenog osiguranja utvrđuju kriteriji, način i postupak sufinansiranja prava iz stava (1) ovog člana, kao i najviši procentualni iznos sredstava koji se može opredijeliti za finansiranje ovog prava po pojedinačnom zahtjevu u jednoj kalendarskoj godini.

Takođe, potrebno je naglasiti da ne postoji zakonska regulativa u Bosni i Hercegovini za otvaranje isključivo genetičke laboratorije, kao samostalne jedinice (ne u sklopu zdravstvene institucije ili bilo kog drugog tipa laboratorije, kao što je to moguće u drugim državama) niti regulativa primjene genetičkog testiranja poput NIPT testa (testovi koji koriste genomsko sekvencioniranje) u zdravstvene svrhe. Iz tog razloga mnoge kompanije koje šalju uzorke van države nisu to počele raditi na teritoriji FBiH jer ne postoji zakon koji reguliše navedenu djelatnost, te s obzirom da se analiza navedenih uzoraka radi na teritoriji država Europske Unije i Amerike trudnice su zaštićene zakonom, gdje ustanove koje rade u ime i za račun laboratorije u EU i Amerike nude sigurnu



Adresa: Ložionička br. 2, 71 000 Sarajevo

ID broj: 4200178560003, PDV broj: 200178560003, Broj upisa u sudski registar: 65-05-0051-12,  
Depozitni račun broj: 154-921-2014617245, Glavni transakcijski račun broj: 154-921-20146171-48,

Transakcijski račun broj: 134-001-11100067-72

Tel. +387 33 72 52 00, +387 33 72 52 07, Fax +387 33 72 52 98, +387 33 72 52 52

e- mail: info@kzzosa.ba kabinet@kzzosa.ba

i zakonom regulisanu uslugu. NIPT test izuzev same analize obuhvata proces genetičkog savjetovanja prije i poslije testiranja.


Osim toga, genetička laboratorija ne može biti CE IVD certificirana, nego se radi o opremi za koju proizvođač dobije certifikat CE IVD u Europskoj Uniji za puštanje u promet. To isključivo znači da je oprema certificirana, a ne laboratorija. Laboratorija može biti certificirana sa ISO standardom (u Americi CLIA i CAP akreditacija) ili od strane lokalnog regulatornog tijela (u nekim državama Ministarstvo zdravstva) svake države koje provjera sam rad laboratorije i čijoj instituciji se može obratiti u slučaju neregularnosti. Institucija koja provjera rad genetičke laboratorije prema zakonu u FBiH nije оформljena, jer ne postoji ni zakonska regulativa koja reguliše neinvazivni prenatalni test (NIPT) ili bilo koji drugi genetički test koji koristi metodu sekvencioniranja cjelokupnog genoma, a koja je dostupna posljednjih 12 godina u praksi u svijetu. Zaključno ne postoji odgovarajuće regulatorno tijelo koje validira genetičke laboratorije, također ne postoji certifikat koji utvrđuje procese validnosti sprovođenja analiza genetičkog materijala.

Slijedom navedenog, a po osnovu ovlaštenja iz člana 38a. stav 3. navedenog Pravilnika, Zavod je donio Odluku o sufinansiranju troškova neinvazivnih prenatalnih testova, kojom je omogućio ostvarivanja prava na sufinansiranje troškova neinvazivnih prenatalnih testova trudnicama, a s druge strane na ovaj način je data mogućnost ličnog izbora paketa usluge i ustanove u kojoj trudnice žele obaviti pregled.

**Napominjemo da je Zavod u protekloj godini osiguranicima, potpuno transparentno u skladu sa odredbama Odluke o sufinansiranju troškova neinvazivnih prenatalnih testova refundirao sredstva za neinvazivne prenatalne testove. Takođe je refundirao i osiguranicima koji su usluge obavili u domaćim ustanovama po iznosima od 1.000,00 KM po obavljenom testiranju što je približno maksimalnom iznosu refundacije.**

**Zavod svakako cijeni Vašu inicijativu, ali uz trenutno važeću zakonsku legislativu formalno pravno nije moguće postupiti po traženom, a kada se ostvare zakonski preduslovi Zavod će pristupiti raspisivanju javnog poziva.**

S poštovanjem,



Dostaviti:

- ① Naslovu;
- ② Direktor;
3. Službi pravnih poslova;
4. a/a.